

ՕՐԵՆՍԴԻՐ

ՓՈԽՉԻՉՈՒՄ` ՀԱՆՈՒՆ ՎՐԱՍՏԱՆԻ

Վրաստանի խորհրդարանը մարտի 25-ին, երրորդ եւ վերջնական ընթերցմամբ, հաստատել է խորհրդարանի արձակման դեպքում միանձնյա նախարարների կաբինետ նշանակելու նախագահի իրավունքների սահմանափակմանը վերաբերող սահմանադրական ուղղումները:



Սահմանադրության մեջ փոփոխություններ կատարելու օգտին քվեարկել է 114 պատգամավոր: Ընդամենը Վրաստանի (Շարունակությունը՝ 2-րդ էջում)

ՍԱՀՄԱՆԱԴՐԱԿԱՆ ՓՈՓՈԽՈՒԹՅՈՒՆՆԵՐԸ ՈՒԺԻ ՄԵՅ ՄՏԱՆ

Վրաստանի նախագահ Միխեիլ Սաակաշվիլին ստորագրել է Սահմանադրության մեջ կատարված ուղղումները, որոնք վերաբերում են խորհրդարանի արձակման դեպքում միանձնյա նախարարների կաբինետ նշանակելու պետության ղեկավարի իրավունքի սահմանափակմանը:

Այդ մասին մարտի 27-ին հայտարարեց օրենսդիր մարմնի նախագահ Դավիթ Ուսուփաշվիլին: Սահմանադրական ուղղումները խորհրդարանի կողմից հաստատվել են մարտի 25-ին:

«Այսօր Վրաստանի նախագահն ստորագրել է Սահմանադրության մեջ կատարված ուղղումները, որոնք այսօր կիրառական կլինեն եւ ուժի մեջ կմտնեն»,- մարտի 27-ին ասաց Ուսուփաշվիլին:

ԽՈՐՀՐԴԱՏՎՈՒԹՅՈՒՆՆԵՐ

«ԸՆԴՀԱՆՈՒՐ ԴԱՏԱՐԱՆՆԵՐԻ ՄԱՍԻՆ» ՕՐԵՆՔԻ ՀԱՐՉՈՒՄ ՀԱՄԱՁԱՅՆՈՒԹՅԱՆ ԶԿԱՍԱՆ

Ինչպես արդեն հաղորդել ենք, օրենսդիր մարմինը ձեռնամուխ էր եղել «Ընդհանուր դատարանների մասին» օրենքում փոփոխությունների մշակմանը, որոնք նախատեսում են Արդարադատության գերագույն խորհրդի անդամների ընտրության ու նշանակման կարգը:

Սույն օրենսդրական փոփոխությունների առթիվ խորհրդարանական մեծամասնությունն ու փոքրամասնությունը դիրքորոշումներին հարմարեցման նպատակով անցկացրեցին խորհրդատվություններ: Խորհրդարանի խոսնակ Դավիթ Ուսուփաշվիլին հայտարարության համաձայն, խորհրդարանական մեծամասնությունը եւ փոքրամասնությունը համաձայնության չհասան «Ընդհանուր դատարանների մասին» օրենքի

ՊԱՇՏՈՆԱԿԱՆ ԱՅՑ

ՕՐԱԿԱՐԳՈՒՄ ՀԱՄԱԳՈՐԾԱԿՑՈՒԹՅԱՆ ԽՈՐԱՑՄԱՆ ՀԵՌԱՆԿԱՐՆԵՐՆ ԷԻՆ

Պաշտոնական այցով Վրաստանում էր գտնվում Թուրքիայի արտաքին գործերի նախարար Ահմեդ Դավլաթօղլին: Այցի շրջանակներում հյուրի հետ հանդիպումներ ունեցան Վրաստանի վարչապետ Բիծինա Իվանիշվիլին, Համայն Վրաստանի Կաթողիկոս-Պատրիարք Իլիա Երկրորդը, Վրաստանի արտաքին գործերի նախարար Մայա Փանժկիձեն:

Բիծինա Իվանիշվիլին եւ Ահմեդ Դավլաթօղլին հանդիպմանը կողմերը քննարկեցին երկու երկրների բարիդրացիական հարաբերությունները, համագործակցության խորացման հեռանկարները:

Հանդիպմանը մասնակցեց արտգործնախարար Մայա Փանժկիձեն:



(Շարունակությունը՝ 2-րդ էջում)

ԴՊՐՈՑ

ՈՒՇԱԴՐՈՒԹՅՈՒՆ. ԱՌԱՋԻՆ ԴԱՍԱՐԱՆՑԻՆԵՐԻ ԳՐԱՆՑՈՒՄԸ՝ ԱՊՐԻԼԻ 1-ԻՑ

Կրթության եւ գիտության նախարարությունը 2013 թվականի ապրիլի 1-ից հայտարարում է դպրոցներում առաջին դասարանցիների գրանցում 2013-2014 ուսումնական տարվա համար: Գրանցումը կիրականացվի օնլայն ռեժիմով, երեք փուլով:

Ապրիլի 1-ից մինչեւ 19-ը ներառյալ, կրթության կառավարման տեղեկատվական համակարգի կայքում կսկսվի այն առաջին դասարանցիների գրանցումը, ում եղբայրը կամ քույրը արդեն սովորում է տվյալ դպրոցում, կամ ծնողներից մեկն աշխատում է դպրոցում, ինչպես նաեւ այն երեխաների, ովքեր առաջին դասարան են ընդունվում քրոջ կամ եղբոր հետ:

Ընդունելության համար անհրա-

ժեշտ համապատասխան փաստաթղթերը հարկավոր է հանրակրթական հիմնարկ ներկայացնել ապրիլի 20-ից մինչեւ 24-ը ներառյալ:

Կրթության նախարարության իրազեկմամբ, մյուս բոլոր ապագա առաջին դասարանցիները կրթության կառավարման տեղեկատվական համակարգի կայքում կգրանցվեն մայիսի 1-ից մինչեւ հունիսի 20-ը ներառյալ, եւ անհրաժեշտ փաս-

տաթղթերը պետք է դպրոց ներկայացնեն հունիսի 21-ից մինչեւ հունիսի 3-ը ներառյալ:

Եթե ծնողները չեն հասցնի փաստաթղթերը դպրոց ներկայացնել հունիսի 21-ից մինչեւ հունիսի 3-ը ներառյալ ժամանակամիջոցում, ապա նրանց երեխաները կորցնում են տեղը այս կամ այն դպրոցում, եւ կհայտարարվի նոր գրանցում: Ազատված տեղի համար դպրոցականնե-

րի ընդունման համապատասխան փաստաթղթերը պետք է ներկայացնել հունիսի 10-ից մինչեւ հունիսի 18-ը ներառյալ:

Վրացական դպրոցներում երեխաներն առաջին դասարան ընդունվում են 5 տարեկանից: Բոլոր առաջին դասարանցիներն ուստարվա առաջին օրը, ավանդույթի համաձայն, կստանան նվեր երկրի նախագահից՝ անհատական նոտբուքներ:

ՄԱՐՏԻ 31-ԻՆ ՀԱՅԱՍՏԱՆՅԱՅ ԱՌԱՔԵԼԱԿԱՆ ԵԿԵՂԵՑԻՆ ԵՆՈՒՄ Է ՍՈՒՐԲ ՉԱՏԻԸ

Մարտի 31-ին Հայաստանյայց Առաքելական Եկեղեցին նշում է Սուրբ Հարության հրաշափառ տոնը՝ Սուրբ Զատիկը:

Քրիստոս յարեաւ ի մեռելոց, Օրինյալ է Յարութիւնն Քրիստոսի



Իսկ անցյալ կիրակի՝ մարտի 24-ին, Հայ Առաքելական Սուրբ Եկեղեցին նշեց Ծաղկազարդը: Տոնը խորհրդանշում է Քրիստոսի հաղթական մուտքը Երուսաղեմ: Ն.Ս.Օ.Տ.Տ. Գարեգին Երկրորդ Ամենայն Հայոց Կաթողիկոսը Ծաղկազարդը հռչակել է որպես մանուկների օրհնության օր՝ նկատի ունենալով այն հանգամանքը, որ Տիրոջ՝ Երուսաղեմի տաճար մտնելու ժամանակ մանուկներն աղաղակում էին ասելով. «Օրհնությո՜ւն, Դավթի որդուն» (Մատթ. 21:15):

Հիսուսը եկավ ավետարանելու աղքատներին, բժշկելու սրտով բեկվածներին, ազատելու գերիներին եւ տեսողություն պարգեւելու կույրերին, ինչպես մարգարեացել էր Եսային: Շատ կույրեր, դիմելով Հիսուսին, բժշկվեցին: Հիսուսի մուտքը Երուսաղեմ ժողովուրդն ընդունել է խանդավառությամբ՝ ծիծեմու եւ արմավենու ճյուղերը, ինչպես նաեւ իրենց զգեստները փռելով ճանապարհի վրա եւ աղաղակելով. «Ովսանա՜ Բարձրյալին, օրհնեա՜լ լինի Նա, ով գալիս է Տիրոջ անունով, օրհնեա՜լ լինի մեր հոր՝ Դավթի թագավորությունը, որ գալիս է: Խաղաղությո՜ւն երկնքում եւ Փա՜ռք բարձունքներում» (Մարկ. 10:9-10):

Համաձայն եկեղեցու հայրերի ուսուցումների՝ Հիսուսի առջեւ հանդերձներ մետելը խորհրդանշել է մեղքերից ազատվելը: Ոստեր եւ ճյուղեր ընծայելը խորհրդանշել է առանձնակի պատիվներ եւ հանդիսավորություն: Ձիթենին համարվել է իմաստության, խաղաղության, հաղթանակի եւ փառքի խորհրդանշան: Ձիթենու եւ արմավենու ճյուղերի ընծայումը Քրիստոսին, ով մեռյալ Դաւաթոսին հարություն տվեց, խորհրդանշում է մահվան հանդեպ հաղթանակը:

Այդ օրը եկեղեցիներում մանուկների օրհնության կարգ է կատարվում:

Ծաղկազարդի տոնը հանդիսավորապես նշվեց Վրաստանի հայկական բոլոր եկեղեցիներում: Այդ օրը տոն էր նաեւ երկրի կաթոլիկ եկեղեցիներում:

ՕՐԵՆՍԴԻՐ

ՓՈԽՁԻՋՈՒՄ` ՇԱՆՈՒՆ ՎՐԱՍՏԱՆԻ

(Սկիզբը` 1-ին էջում)

խորհրդարանն ունի 150 պատգամավոր, բայց այսօրվա դրությամբ պատգամավորական երեք տեղ թափուր է:

Ուղղումների համաձայն, նախագահը չի կարողանա

խորհրդարանն արձակելուց հետո, որը երեք անգամ անվտանգություն կհայտնի պետության ղեկավարի կողմից ներկայացված կառավարությանը, նշանակել նախարարների այդ կաբինետը: Դրա հետ մեկտեղ, կպահպանվի նախարարների

նախորդ կաբինետը այն վարչապետի գլխավորությամբ, որն ավելի վաղ պաշտոնաթող է արվել: Փոփոխություններով նաև արգելվում է խորհրդարանն արձակել «նախագահական ընտրություններին նախորդող մայիս ամսից մինչև պե-

տության նորընտիր ղեկավարի պաշտոնակալման արարողությունը»:

Ուղղումները կընդունվեն Վրաստանի նախագահի կողմից ստորագրվելուց եւ «Օրենսդրական բանբերի» կայքում հրապարակվելուց հետո:

ԱՐՁԱԳԱՆՔ

ՄԻՋԱԶԳԱՅԻՆ ՀԱՆՐՈՒԹՅՈՒՆԸ ՈՂՋՈՒՆՈՒՄ Ե ՍԱՀՄԱՆԱԴՐԱԿԱՆ ՈՒՂՂՈՒՄՆԵՐԻ ԸՆԴՈՒՆՈՒՄԸ

(Սկիզբը` 1-ին էջում)

թյունները Վրաստանում ժողովրդավարության համար «համամիասնության նոր ուղի են բացում»:

«ԱՄՆ շնորհավորում է Վրաստանի ղեկավարությանը, խորհրդարանական մեծամասնությանն ու փոքրամասնությանը երկկուսակցական կարելու որոշման ընդունման կապակցությամբ»,- ասված է պետդեպարտամենտի հայտարարության մեջ:

Այդ ուղղումները, ինչպես նշվում է հայտարարության մեջ, վերացրին թյուրիմա-

ցությունների եւ լարվածության կարելու աղբյուրը:

ԼՈՒՐԶ ՆԱԽԱԴԵՊ ԿՈՂՄԵՐԻ ՄԻՋԵՎ ՀԱՄԱԳՈՐԾԱԿՑՈՒԹՅԱՆ ՀԱՄԱՐ

Եվրամիության դիվանագիտության ղեկավար Քեթրին Էշթոնը, եւս հարեւանության ընդլայնման եւ եվրոպական քաղաքականության գծով հանձնակատար Շտեֆան Ֆուլեն ողջունել են վրացական խորհրդարանի կողմից ընդունված ուղղումները:

«Նոր կառավարության նշանակման հարցում ժողովրդավարական սկզբունքով ընտր-

ված խորհրդարանի դերը հաստատող սահմանադրական փոփոխությունները Վրաստանում ամրացնում են ժողովրդավարությունը եւ հանդիսանում կարելու նախադեպ վրացական քաղաքականությունում կողմերի միջեւ համագործակցության համար»,- ասված է Էշթոնի եւ Ֆուլենի համատեղ հայտարարության մեջ:

Եվրամիության ներկայացուցիչները Վրաստանի բոլոր շահագրգիռ կողմերին կոչ են արել շարունակել համատեղ աշխատանքը կառուցողական ոգով՝ ի շահ վրաց ժողովրդի:

ՊԱՇՏՈՆԱԿԱՆ ԱՅՑ

ՕՐԱԿԱՐԳՈՒՄ ՀԱՄԱԳՈՐԾԱԿՑՈՒԹՅԱՆ ԽՈՐԱՅՄԱՆ ՀԵՌԱՆԿԱՐՆԵՐՆ ԷԻՆ

(Սկիզբը` 1-ին էջում)

Վրաստանի արտգործնախարարությունում Մայա Փանջիկիձեն հանդիպում ունեցավ Ահմադ Դավիթօղլու հետ: Քննարկվեցին երկկողմ հարաբերությունների խորացման հարցերը:

Թուրքիայի արտգործնախարարին ընդունեց Համայն Վրաստանի Կաթողիկոս-Պատրիարք Իլիա Երկրորդը: Հանդիպումը դռնփակ էր, առանց ՋԼՄ-ների ներկայացուցիչների:

Խոսքը վերաբերում էր Թուրքիայում վրացական եկեղեցի-

ների վերականգնմանը եւ Բաթումիում մզկիթի շինարարությանը:

Վրաստանի, Թուրքիայի եւ Ադրբեջանի արտաքին գործերի նախարարներ Մայա Փանջիկիձեն, Ահմադ Դավիթօղլուն եւ Էլմար Մամեդյարովը մարտի

18-ին Բաթումում տեղի ունեցած եռակողմ հանդիպման արդյունքներով համագործակցության պլան են ստորագրել: Վարչապետ Իվանիշվիլին ընդունեց Թուրքիայի արտգործնախարար Ահմադ Դավիթօղլուն, որն այցով գտնվում էր Վրաստանում:

ԱՅՑ

ՄԻԽԵԻԼ ՍԱՎԱՆԿԻԼԻՆ ՄԽԱԼՔԱՆՔԻՈՒՄ ԾԱՆՈԹԱՅԱՎ «ՎՐԱՅԵՐԵՆԸ` ԵՐԿՐՈՐԴ ԼԵՋՈՒ» ՆԱԽԱԳԾԻ ԻՐԱԿԱՆԱՅՄԱՆ ԸՆԹԱՅԵԻՆ

(Սկիզբը` 1-ին էջում)

Սաակաշվիլին նաեւ ծանոթացավ Բաքու-Թբիլիսի-Կարս երկաթգծի շինարարության ընթացքին եւ այցելեց նոր կառուցվող երկաթուղային կայարանը Ախալքալաքում:

Երկրի նախագահը ուշադրությունը քեւեռեց նաեւ Թբիլիսի-Ծալկա-Ախալքալաքի մայրուղու նշանակության վրա եւ հայտարարեց, որ ճանապահը,



որի շինարարությունն ավարտվել է, պետք է անընդմեջ մաք-

րել: Նրա խոսքերով, տարածաշրջանում վերակառուցման գործընթացների շարունակումը անհրաժեշտություն է: «Հուսով եմ, որ նոր կառավարու-

թի վարչապետը ստույգ տեղեկատվություն կստանա նախարարներից տարածաշրջանում առկա իրավիճակի վերաբերյալ, որ այստեղ ամուղղելի ոչինչ տեղի չի ունեցել: Գտնում եմ, որ լուրջ սպառնալիք գոյություն չունի, թեպետ նրա համար, որ առաջիկայում էլ ոչինչ չպատահի, անպարժեշտ է շարունակել դրական բոլոր գործընթացները»,- հայտարարեց Վրաստանի նախագահը:

ՄԻԼԵՆԻՈՒՄ

ՔՆՆԱՐՎԵՅ «ՀԱՉԱՐԱՄՅԱԿԻ ՄԱՐՏԱՀՐԱՎԵՐ» ՆԱԽԱԳԾՈՎ ԾՐԱԳՐՎԱԾ ԴՐԱՄԱՇՆՈՐՀԻ ՀԱՏԿԱՅՄԱՆ ՀԱՐՅԸ

Վրաստանի վարչապետ Բիժինա Իվանիշվիլին հանդիպում ունեցավ «Միլենիում չեյնջ կորպորեյշն» կորպորացիայի փոխնախագահի տեղակալ Թոմ Դարլիի եւ Վրաստանում կորպորացիայի ներկայացուցչության տնօրեն Ջեյմս Սակնիկոլասի հետ:

Կողմերը քննարկեցին «Հազարամյակի մարտահրավեր ծրագրի» երկրորդ փաթեթը:

Հանդիպմանը ներկա էին Վրաստանում ԱՄՆ դեսպան Ռիչարդ Նորլանդը, կրթու-

թյան նախարար Գիորգի Մարգվելաշվիլին, գյուղատնտեսության նախարար Գիորգի Կիրվալիձեն, ֆինանսների նախարարության ղեկավար Նոդար Խաղոնիին:

Վրաստանը տվյալ փուլում կստանա

200 միլիոն դոլար: Նախկին իշխանությունները մտադիր էին այդ միջոցներն ուղղել կրթության ոլորտին:



ԽՈՐՀՐԴԱՏՎՈՒԹՅՈՒՆՆԵՐ

«ԸՆԴՀԱՆՈՒՐ ԴԱՏԱՐԱՆՆԵՐԻ ՄԱՍԻՆ» ՕՐԵՆՔԻ ՀԱՐՅՈՒՄ ՀԱՄԱՁԱՅՆՈՒԹՅԱՆ ԶՀԱՍԱՆ

(Սկիզբը` 1-ին էջում)




հարցում: Նա հասարակայնությանը ծանոթացրեց փոփոխություն-

ների այն տարբերակին, որի շուրջ համաձայնության էին հասել մեծամասնության անդամները եւ հայտարարեց, որ, բնականաբար, տվյալ մոդելը համաձայնվել էր վարչապետի հետ, քանի որ փաթեթը ներկայացվել էր կառավարության նախաձեռնությամբ: Ըստ Ուսուփաշվիլու պարզաբանումների, ուղղումները գործնականում լրիվությամբ համապատասխանում են Վենետիկի հանձնաժողովի եզրակացությանը:

«Դատավորների խորհրդա-

ժողովի կողմից ընտրվող անդամներին կընտրի խորհրդաժողովը: Արդարադատության խորհրդի այսօրվա 15 անդամներից, մեր մոդելի համաձայն, որը գալիք շաբաթ կներկայացվի խորհրդարան, կընդհատվեն այն վեց անդամների լիազորությունները, որոնցից չորսին նշանակել է խորհրդարանը, իսկ երկուսին՝ նախագահը: Մնացած անդամներից լիազորությունները կպահպանեն Գերագույն դատարանի նախագահը եւ մեկ անդամ, որը կբավարա-

րի նոր օրենսդրությամբ սահմանված չափանիշները: Ինչ վերաբերում է դատավորների կողմից ընտրված մյուս անդամներին, ապա նրանց լիազորությունները կդադարեցվեն, սակայն նրանք կունենան իրենց թեկնածությունը վերստին ներկայացնելու հնարավորություն: Հետեւաբար, խոսակցություններն այն մասին, թե մենք վաղաժամկետ ընդհատում ենք խորհրդի անդամների լիազորությունները, սխալ են»,- նշել է Ուսուփաշվիլին:



ԻՏԱԼԻԱ

ԿԱՏԵՂԾՎԻ ԿՈԱԼԻՑԻՈՆ ԿԱՌԱՎԱՐՈՒԹՅՈՒՆ

Իտալիայի նախագահ Ջորջո Նապոլիտանոն մարտի 29-ին երկրի առաջատար կուսակցությունների ղեկավարների հետ բանակցություններ է սկսում կոալիցիոն կառավարության ձեւավորման շուրջ:

Սպասվում է, որ Նապոլիտանոն կփորձի անձամբ պարզել՝ հնարավորություն կա արդյոք ձեւավորելու կոալիցիոն կառավարություն:

Ավելի վաղ պետության ղեկավարը ծախսեց նորոգման Դեմոկրատական կուսակցության առաջնորդ Պիեռ Լուիջի Բերսանինին էր հանձնարարել կառավարության ձեւավորումը: Սակայն մարտի 28-ի երեկոյան Բերսանինին հայտարարել էր, թե չի կարողացել կոալիցիա ձեւավորել:

ԱՄՆ

ՀԱՏՈՒԿ ԾԱՌԱՅՈՒԹՅՈՒՆԸ ԱՌԱՋԻՆ ԱՆԳԱՄ ԿԳԼԽԱՎՈՐԻ ԿԻՆ

ԱՄՆ-ի բարձրագույն ղեկավարության պահպանության համար պատասխանատու Դատուկ ծառայությունն առաջին անգամ կին է գլխավորելու: Մարտի 26-ին Բարաք Օբաման Դատուկ ծառայության նոր ղեկավար է նշանակել Ջուլիա Փրոստին, որը վերջին ժամանակներս գլխավորում էր Դատուկ ծառայության աշխատակազմը:

Անցած ամիս ծառայության գործող ղեկավար Մարկ Սալիվանը հայտարարել է պաշտոնաթող լինելու մտադրության մասին:

Փրոստը պետք է վերականգնի Դատուկ ծառայության հեղինակությունը, որը խախտվել է նրա աշխատակիցների հետ կապված մի շարք սկանդալներից հետո: Դրանցից ամենախոշորը տեղի է ունեցել մեկ տարի առաջ՝ ԱՄՆ-ի նախագահի Կոլումբիա այցի նախապատրաստման ժամանակ, երբ պարզվեց, որ Դատուկ ծառայության երեք գործակալներ օգտվել են մարմնավաճառների ծառայություններից:

ԱՆԳԼԻԱ

ՄԱՅԱՑԵԼ Է ԲՈՐԻՍ ԲԵՐԵՋՈՎԱԿԻՆ

Անգլիայում մարտի 23-ին 68 տարեկան հասակում մահացել է ռուսաստանցի օլիգարխ Բորիս Բերեզովսկին: Բերեզովսկու մարմինը նրա թիկնապահը գտել է գործարարի տանը՝ Անգլիայի Բերքշիր կոմսությունում: Գործարարի մահվան հնարավոր վարկածների թվում են սրտի նոպան եւ ինքնասպանությունը:

Բերեզովսկու մահից հետո ՋԼՄ-ներում հաղորդումներ էին հայտնվել այն մասին, որ վերջին ժամանակներս նա տառապում էր կլինիկական դեպրեսիայից: Forbes-ի լրագրողի հետ զրույցի ընթացքում, որը տեղի է ունեցել Բերեզովսկու մահից մի քանի ժամ առաջ, վերջինս պատմել է, որ կորցրել է կյանքի իմաստը եւ չգիտի, թե ինչ է անելու հետո:

ԿԻՊՐՈՍ

ԵՎՐՈՅԻՑ ՀՐԱժՄԱՐՎԵԼՈՒ ՄՏԱԴՐՈՒԹՅՈՒՆ ՉՈՒՆԻ

Կիպրոսը չի պատրաստվում դուրս գալ եվրագոտուց: Այդ մասին մարտի 29-ին հայտարարել է հանրապետության նախագահ Նիկոս Անաստասիադիսը: «Մենք եվրոյից հրաժարվելու մտադրություն չունենք եւ փորձարարության չենք ենթարկի մեր երկրի ապագան»,- ասել է նա: Անաստասիադիսի խոսքով՝ հակաճգնաժամային ծրագրի վերաբերյալ որոշումն ընդունելուց հետո, որը երկրի առաջատար բանկերի կոշտ վերակառուցավորում է նախատեսում, իրադրությունը «հաջողվեց պահել հսկողության տակ»:

Երկշաբաթյա ընդմիջումից հետո մարտի 28-ին բացված Կիպրոսի բանկերի աշխատանքի առաջին օրն անցել է առանց բախումների եւ կարգի խախտումների:

Նախագահն ստեղծել է հատուկ հանձնաժողով, որին հանձնարարված է պարզել ճգնաժամի, մասնավորապես, կղզու բանկային համակարգի սնանկացման պատճառները:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՈԼՈՐՏ

ՆԱԽԱԳԱՐԸ ՀԱՆԴԻՊԵՑ ՆԱՀԱՆԳԱՊԵՏԵՐԻՆ

Վրաստանի նախագահ Միխեիլ Սաակաշվիլին հանդիպում ունեցավ նահանգապետների հետ: Քննարկվեցին գլխավոր թեման գյուղատնտեսության զարգացումն էր:

Նշվեց, որ նահանգապետները պլանավորում են աջակցել գարնանային գյուղատնտեսական աշխատանքներին, աշխատատեղերի ստեղծմանը, գազիֆիկացման եւ ջրամատակարարման հարցերի լուծմանը: Քննարկվեց նաեւ գյուղատնտեսական վառ-

չերների թեման:

«Մենք լավագույն քայլ ենք համարում այն, եթե Վրաստանի ղեկավարությունն ընդունի որոշում եւ յուրաքանչյուր քաղաքացու, ով պետք է ստանա վառուչեր, տրամադրվի այն իրացնելու հնարավորություն

վերցնել որոշակի գումար եւ այն ծախսել ըստ իր հայեցողության»,- հանդիպման ավարտից հետո նշել է Քվեմո Բարթիկի նահանգապետ Դավիթ Կիրկիտաձեն:

Գյուղատնտեսական վառուչերների փոխարեն բնակչությանը փող բաժանելու նախաձեռնությամբ հանդես է եկել «Ազգային շարժման» գլխավոր քարտուղար Վանո Մեթրեքելիլին:

ԴԻՐՔՈՐՈՇՈՒՄ

ՄԱՅԱ ՓԱՆՋԻԿԻԶԵ. «ՄԵՆՔ ԴԻՏԱՐԿՈՒՄ ԵՆՔ ՄՈՍԿՎԱՅԻ ՀԵՏ ՈՒՂՂԱԿԻ ԵՐԿԽՈՍՈՒԹՅԱՆ ՀՆԱՐԱՎՈՐՈՒԹՅՈՒՆԸ»

«Կոմերսանտ ռեպորտյոր» թերթում հրապարակված մամուլին պատասխանել է գյուղատնտեսության նախարարությունը:

Վրաստանի արտաքին գործերի նախարար Մայա Փանջիկիձեն ավստրիական Die Presse իրատարակությանը տված հարցազրույցում ընդգծել է, որ «Վրաստանի տարածքային ամբողջականության վերականգնումը կլինի վրացա-

կան ցանկացած կառավարության գերակայությունը», եւ որ Վրաստանն այդ նպատակը կհետապնդի «այնքան ժամանակ, քանի այն չի իրականացել»: Մամուլանդ, որ «դա պաշտպանում է ողջ քաղաքակիրթ աշխարհը», հայտարարել է

Փանջիկիձեն:

«Մենք դիտարկում ենք Մոսկվայի հետ ուղղակի երկխոսություն սկսելու հնարավորությունը»,- ասել է Փանջիկիձեն: Նախարարն ընդգծել է, թե գլխավորն այն է, որ «չկորցնենք հույսը եւ լրջորեն աշխատենք, որպեսզի Վրաստանը իրապուրիչ դարձնենք Հարավային Օսեթիայի եւ Աբխազիայի մեր համա-



քաղաքացիների համար... Հարկավոր է այնպես անել, որ նրանք տեսնեն՝ մենք ընդհանուր ապագա ունենք»:

ՀԱՅՐԵՆԱԴԱՐՁՈՒԹՅՈՒՆ

ՎՐԱՍՏԱՆԸ ԿԿԱՏԱՐԻ ՍՏԱՆՁՆԱԾ ՊԱՐՏԱՎՈՐՈՒԹՅՈՒՆԸ

Վրաստանի արտգործնախարար Մայա Փանջիկիձեն, Թուրքիայի արտգործնախարար Ահմադ Դավութօղլու հետ հանդիպումից հետո, համատեղ մամուլի ասուլիսում հայտարարեց, որ Վրաստանի կառավարությունը կկատարի թուրք-մեխեթցիների հայրենադարձության մասին եվրախորհրդի հանդեպ ստանձնած պարտավորությունը:

Նա նշեց, որ արտգործնախարարությունն այդ հարցի ուղղությամբ աշխատում է Վրաստանի արդարադատության նախարարու-

թյան հետ միասին: Նա միաժամանակ հաղորդեց, որ համապատասխան օրինագիծը խորհրդարան կներկայացվի մոտ ժամանակները:

ՈԱԶՄԱՎԱՐՈՒԹՅՈՒՆ

ՆԱԽԱՐԱՐՆԵՐԻ ՀԱՆԴԻՊՈՒՄԸ ԽՈՐՀՐԴԱԿԱՆՆԵՐԻ ԽՄԲԻ ՀԵՏ

Երկրի ռազմավարությունն արտացոլող փաստաթուղթը գլխավորապես կհիմնվի «Վրացական երազանք» կոալիցիայի նախընտրական ծրագրի վրա:

Փաստաթղթի մշակմանը քաղաքացիական հատվածի եւ փորձագետների մասնակցությունն ապահովելու նպատակով, ֆինանսների նախարար Նոդար Խաղորին եւ էկոնոմիկայի նախա-

րար Գիորգի Կվիրիկաշվիլին հանդիպում ունեցան ֆինանսների նախարարի խորհրդականների խորհրդի հետ:

Փաստաթղթի ուղղությամբ աշխատանք սկսելու վերաբեր-

յալ՝ տնտեսական եւ ֆինանսական գերատեսչությունների ղեկավարներին առաջադրանք էր տվել վարչապետ Բիժինա Իվանիշվիլին:

«Ֆինանսների նախարարությանն առընթեր ստեղծվել է խորհրդականների խորհուրդ: Այդ գործին ակտիվորեն մասնակցում է էկոնոմիկայի նախարարությունը:

«Վրացական երազանքը» եւ կառավարությունը ունեն մի քանի առաջնություններ. գյուղատնտեսությունը, սոցիալական հիմնախնդիրների լուծումը, կրթությունը: Մենք, իհարկե, ռազմավարական փաստաթղթում լրիվությամբ կարտացոլենք բոլոր այդ ուղղությունները»,- հայտարարել է Խաղորին:

ԲԱՆԱԿ

ՊԱՐՏԱԴԻՐ ԶԻՆՇԱՈԱՅՈՒԹՅԱՆ ԺԱՄԿԵՏԸ ԿՐՃԱՏՎԵՅ

Վրաստանի խորհրդարանն ընդունել է ուղղումներ, որոնք կատարվել են «Զինվորական պարտականության եւ զինվորական ծառայության մասին» օրենքում: Դրանցով նախատեսվում է կրճատել պարտադիր զինծառայության ժամկետը:

Այսուհետեւ զինծառայությունը կտեւի ոչ թե 18, այլ՝ 12 ամիս, ընդ որում՝ փոփոխումը կվերաբերի նաեւ նրանց, ովքեր արդեն գտնվում են բանակում:

Օրինագծի հեղինակները հայտարարել են, որ ուղղումները կօգնեն կարգավորելու զինծառայության կանչելու հետ կապված

բոլոր հիմնախնդիրները: Միաժամանակ, օրինագիծը նախատեսում է տարկետում զինծառայությունից նրանց համար, ովքեր դպրոցն ավարտելուց հետո գրանցվել են բուհ ընդունվելու նպատակով Միասնական ազգային քննություններ հանձնելու համար: Մինչ այդ տարկետումը վերաբերում էր մի-

այն նրանց, ովքեր դեռեւս սովորում են հանրակրթական հիմնարկներում:

Օրինագիծն ընդունվել է առաջին ընթերցմամբ: Թե այն երբ քվեարկության կդրվի երկրորդ եւ երրորդ ընթերցմամբ, չի նշվում:



ՈՂԲԵՐԳՈՒԹՅՈՒՆ

ՄԵԿ ՏԱՐԵԿԱՆ ԵՐԵԽԱՆ ՍՈՎԱՄԱՅ ԵՂԱՎ

Բաթումիում Սոր եւ երեխայի կենտրոնի վերականգնողական բաժանմունք էր փոխադրվել մեկ տարեկան հյուծված Գոգիտա Աբաշիձեն: Ինչպես նշել են բժիշկները, փոքրիկին 50 տոկոսով պակասում էին սպիտակուցներ, էներգետիկա եւ քաշ: Երեխային չհաջողվեց փրկել եւ նա մահացավ առողջության վատթարացման արդյունքում, որի պատճառը եղել է սովը:

Ինչպես պարզվել է, Աբաշիձեների ընտանիքը, որ ապրում էր աղքատության սահմանից ցածր, չէր կարողացել ստանալ սոցիալապես անպաշտպանի կարգավիճակ եւ նյութական օգնություն:

Մեկ տարեկան երեխայի զոհվելուց զայրացած քաղաքացիները Քուբախիում, Վրաստանի խորհրդարանի շենքի առջեւ, անցկացրին բողոքի ակցիա:

Նշենք, որ ՄԱԿ-ի Մանկական հիմնադրամը խիստ մտահոգու-

թյուն է հայտնել Վրաստանում երեխաների սննդի հետ կապված հիմնախնդիրների առնչությամբ: Մասնավորապես հիմնադրամը անթույլատրելի է համարում այն փաստը, որ լուսաբանել էր Աջարիայի հեռուստատեսությունը եւ վերաբերում էր մեկ տարեկան սովից հյուծված Գոգիտա Աբաշիձեին:

«Վրաստանում ծայրահեղ աղքատության մեջ ապրում են գրեթե 77 հազար երեխաներ, այսինքն՝ նրանց սննդի համար

ծախսվում է օրական մոտ 2 լարի: Սոցիալական պաշտպանության գոյություն ունեցող մեխանիզմը բավարար չափով չի ընդգրկում երեխաներին: Գոգիտայի պատմությունը տխուր հաստատումն է այն բանի, որ սոցիալական պաշտպանության համակարգը անարդյունավետ է՝ սոցիալապես անապահով երեխաների պաշտպանության գործում»,- հայտարարել են վերոնշյալ հիմնադրամից:


ՄԱԿ-ի Մանկական հիմնադրամի տվյալներով, Վրաստանում ամեն տարի մահանում է մինչեւ 5 տարեկան գրեթե 550 երեխա, այդ թվում՝ սննդի պակասից:

Հիմնադրամը Վրաստանի կառավարությանը կոչ է արել

լիակատար արտոնություններ տրամադրել հենց իրենց՝ անապահով երեխաներին եւ նրանց ընտանիքներին օգնելու համար:

Վրաստանի ժողովրդական պաշտպանի աշխատակազմին առընթեր Սոր եւ մանկան պաշտպանության կենտրոնի ղեկավար Աննա Արաղանիշվիլին հայտարարել է, որ ժողովրդական պաշտպանի աշխատակազմը կատարում է հետաքննություն, ուսումնասիրում է երեխայի մահվան փաստը եւ դրանից հետո կնշվեն մեղավոր բոլոր անձինք:

Գոգիտա Աբաշիձեի զոհվելու փաստը ուսումնասիրում է նաեւ առողջապահության նախարարությունը: Այս մասին հայտարարել է փոխնախարար Դավիթ Լուծիձեն:



ՆԱԽԱԳԱՐԸ ՊԱՐԳԵՎԱՏՐԵՑ ԾԱՐՏԱՐԱՊԵՏԵՐԻՆ

Վրաստանի նախագահ Միխեիլ Սաակաշվիլին պարգևատրեց Բագրատի տաճարի վերականգնմանը մասնակցած ճարտարապետներին:

Պարգևատրման արարողությանը ներկա էին Վրաստանի հուշարձանների պահպանության գործակալության ներկայիս ղեկավարությունը եւ Իտալիայի դեսպանության ներկայացուցիչները:

Նախագահը «Պայծառափայլության շքանշան» հանձնեց վախճանված ճարտարապետ Իվան Գրեմեշվիլու կնոջը եւ իտալացի ճարտարապետ Անդրեա Բրունիին:

ՆԱԽԱՐԱՐՆԵՐԻ ԱՇԽԱՏԱՎԱՐՁԸ ԿՐՃԱՏՎՈՒՄ Է

Վրաստանի կառավարության անդամների աշխատավարձերը կկրճատվեն 12%-ով:

Վարչապետի մամուլի ծառայության տարածած հաղորդագրության մեջ նշվում է, որ Բիժինա Իվանիշվիլու որոշմամբ՝ բյուջեից շատ ավելի քիչ միջոցներ են հատկացվելու կառավարության աշխատավարձերի համար:

«Կառավարությունը իրաժարվում է նախկին իշխանությունների փորձից, երբ ամեն ամիս նախարարներն իրենց համար պարգևավճարներ էին դուրս գրում: Նախարարներն ամեն ամիս, բոլոր հավելավճարներով միասին, առձեռն կստանան 6.300 լարի»,- ասված է գերատեսչության հայտարարության մեջ:

Նշվում է նաեւ, որ պարգևավճարներ հատկացվելու են տարին մեկ անգամ:

ՏԱՐԵՐԹԻ ՀԵՏԵՎԱՆՔՆԵՐԸ ՎԵՐԱՅՎՈՒՄ ԵՆ

Մարտի 26-ից Վրաստանում սկսվեցին լայնամասշտաբ գործողություններ՝ մարտի 23-24-ի աղետալի տարերքի հետեւանքները վերացնելու ուղղությամբ:

Տարերքի հետեւանքների հաղթահարման համար Վրաստանի կառավարության պահուստային ֆոնդից հատկացվել է 6 միլիոն լարի: Այս մասին հայտարարել է էներգետիկայի նախարար Կախա Կալաձեն՝ վարչապետ Բիժինա Իվանիշվիլու հետ տարերքի հաղթահարման շտաբի անդամների հետ հանդիպումից հետո: Տարերքի հետեւանքների վերացման աշխատանքներն իրականացվում են Վրաստանի տարբեր տարածադրեզաններում՝ Աջարիայում, Գուրիայում, Շիդա Բարթլիում, Սցխեթա-Թիանթթիում:

Փոթորկալից քամուց հիմնականում տուժել են Աջարիան, Գուրիան եւ Գորի քաղաքը:

ԱՂԲԻ ՓՈԽԱԴՐՄԱՆ ՀԱՍՏԱՏՈՒՆ ՎՃԱՐ

Վրաստանի խորհրդարանը լիազումար նիստում երրորդ, վերջին ընթերցմամբ հաստատեց ուղղումներ, որոնք կատարվել են «Վրաստանի մայրաքաղաք Թբիլիսիի մասին» օրինագծում: Վերջինիս համաձայն, մայրաքաղաքի բնակիչները աղբի փոխադրման համար կվճարեն հաստատումն վճար:

«Մեկ մարդու համար հաստատումն վճարի չափը պետք է լինի ամսական 3 լարիից ոչ ավելի, իսկ իրավաբանական անձանց եւ հիմնարկների համար նախատեսվում է 25 լարի՝ մեկ խորանարդ մնացուկների համար»,- նշվում է օրինագծում:

Օրինագիծն ուժի մեջ կմտնի, երբ այն կստորագրի Վրաստանի նախագահը եւ իրապարակվի «Օրենսդրական բանբեր» կայքում:

Մինչեւ այժմ Թբիլիսիի բնակիչներն ու կազմակերպությունները աղբի դուրսբերման համար վճարում էին՝ կախված սպառած էլեկտրաէներգիայից:

ՈԼՈՐՏ

ԻՆՉՈ՞Ւ Է ԳՅՈՒՂԱՑԻՆԵՐԻՆ ՏՐԿՈՒՄ 640 ԼԱՐԻ

ՈՐՔԱՆՈ՞Վ Է ԻՐԱՏԵՍԱԿԱՆ ՎԱՌԵԼԱՆՅՈՒԹԸ ԶԵՂԶՈՎ ԳՆԵԼՈՒ ՀՆԱՐԱՎՈՐՈՒԹՅՈՒՆԸ



Րահսկում է վերոնշյալ նախագծի իրականացումը:

- **Քատոնո Կոնստանտին, փորձագետների գնահատմամբ գյուղատնտեսության հիմնադրամի կապակցությամբ շատ հարցականներ կան: Մասնավորապես, ֆերմերներին տրվող գյուղատնտեսական քարտերը շատ ավելի սոցիալական օգնության պատկեր ունեն, քան ծրագրված նպատակներին հասնելու իրատեսական միջոցի:**

- Նախ ասեն, որ դա գյուղատնտեսական զարմանալի ծրագիր է, ուստի դրա շուրջ սոցիալական օգնություն որպես հարցադրումը արմատապես սխալ է: Կրկնում են, դա գյուղատնտեսական նախագիծ է, որը մշակվել է սակավահող ֆերմերներին օգնություն ցուցաբերելու համար: Ի տարբերություն սոցիալական օգնության, երբ վառելիքները հասցեատերերին հանձնելուց հետո հնարավոր էր դրանք փոխանակել եւ վաճառել, տվյալ պարագայում գյուղատնտեսական քարտը փոխանակել կամ վաճառել հնարավոր չէ: Հատկացվող գումարով հնարավոր է գնել միայն գյուղատնտեսական աշխատանքների կամ գյուղատնտեսական արտադրության իրականացման միջոցներ:

- **Նրանք, ովքեր քարտերն ստացել են, ասում են, որ այն զարմանալի աշխատանքների համար օգտագործել չեն կարող:** Ներկայացվում են նաեւ այլ բողոքներ:

- Միանգամից մշենք, որ սա առաջին դեպքն է, երբ պետության կողմից հրապարակված նախագծում հաստատված մշվեց, թե տրվելիք քարտով ինչ կարելի է անել: Նաեւ ավելացնեն, որ գյուղատն-

Ինչպես արդեն հաղորդել ենք, զարմանալի գյուղատնտեսական աշխատանքների իրականացման նպատակով, գյուղատնտեսության զարգացման օժանդակության նախագծի շրջանակներում գյուղացիներին գյուղատնտեսական քարտի տեսքով տրվում է 640 լարիի օգնություն: Ցուցադրվող օգնությունը հատկացվող գումարի մեծությունը ոչ միանշանակ արձագանքներ է առաջ բերել հասարակության մեջ: Հարցի պարզաբանման նպատակով մենք դիմեցինք Վրաստանի գյուղատնտեսության նախարարության պարենամթերքի դեպարտամենտի ղեկավար Կոնստանտինին Խուցափծին, որը նախարարության կողմից վե-

րամ: Մեկ տոննա պարարտանյութի գինը տատանվում է 760 լարիի սահմաններում: Ի՞նչ է եք կարծում, բաժնու ու 640 լարիի քարտով երեք հեկտար հողամասը հնարավոր է մշակել: Համաձայնվեք, որ՝ ոչ:

- **Սակայն ֆերմերների խոսքերով, հիմնախնդրայինը միայն հողամասի մշակումն ու պարարտան-**



յութերը չեն: Գյուղերում համապատասխան քանակության տրակտորներ էլ չկան: Դա էլ, իր հերթին դժգոհություն է առաջացնում:

- Տրակտորներ կլինեն, եւ դրանք կլինեն ինչպես նախագծի մասնակիցների, այնպես էլ դրա շրջանակներում չնախատեսված ֆերմերների համար: Թեպետ, հարկ են համարում ի պատասխան վերջին ժամանակներում լայն տարածում գտած այն կարծիքին, որ պետությունը գյուղացիների հետ պետք է համամասնակից լինի բոլոր աշ-

խատանքներում, մշել, որ ման մոտեցումը սխալ է: Ենթադրենք պետությունը ստանձնում է վարել հողը, իսկ պարարտանյութի, սերմանյութի հոգսը դրվում է գյուղացու վրա, իսկ վերջինս դրա հնարավորությունը չունի: Այդ դեպքում, ինչպե՞ս ենք վարվելու:

- **Եկեք անդրադառնալ ագրոսերվիսի հարցերին, մասնավորապես, գյուղացիներին տրվելիք բանկային վարկի հարցին:** Ինչպե՞ս է իրականացվելու այդ համակարգում բանկի ներգրավումը, ինչի՞ հաշվին է բանկը վարկավորելու գյուղացուն: Վարկերի դիմաց բանկերում գրավի տեսքով ի՞նչ է դրվելու՝ հողը, այլ գույք, թե երաշխավորը լինելու է 700 միլիոնամոց հիմնադրամը: Ինչպե՞ս է իրականացվելու հնարավոր ռիսկերի ապահովագրությունը:

- Ներկա դրությամբ գյուղատնտեսության նախարարությունն այդ հարցերի հստակեցման նպատակով բանակցություններ է վարում առանձին բանկերի ու ֆինանսական կազմակերպությունների հետ: Հավանաբար, մոտ ժամանակներում բոլոր հարցերի պատասխանները կտրվեն:

Վերջում ավելացնենք, որ զարմանալի գյու-

ղատնտեսական աշխատանքների իրականացման համար գյուղատնտեսության նախարարությունում լայնորեն քննարկվում է ֆերմերներին արտոնյալ գներով վառելանյութով ապահովելու հնարավորությունը: Մեր ստացած տեղեկության, գյուղատնտեսության նախարարության եւ նախարարի ղեկավարության միջեւ ձեռք բերած պայմանավորվածության համաձայն, ֆերմերներին դիզելային վառելանյութը կտրվի շուկայական գնից 50 թեթրիով պակաս: Դրա փոխարեն նա-

խային ղեկավարությունից ֆերմերներին տրված դիզելային վառելանյութի ծավալի համար նախատեսվող ՀԱՀ-ն կհամվի:

Թեպետ խոսում են նաեւ վառելանյութի հաշվով ֆերմերներին ցուցաբերվող օգնության մեկ այլ տարբերակի մասին, ըստ որի՝ արտոնյալ գներով ֆերմերներին դիզելային վառելանյութով ապահովելու համար պետությունը նախարարի ղեկավարությամբ որոշակի գումար կփոխանցի:

Դիզելային վառելանյութով ապահովելու ուղղությամբ ցուցաբերվելիք օգնության ծավալների ընկալման համար բավական է մշել, որ Վրաստանում հնարավոր է մշակել շուրջ 800 հազար հեկտար տարածություն, թեպետ վերջին տարիներին մշակվող հողատարածքների մեծությունը լավագույն դեպքում կազմում է 200-250 հազար հեկտար: Նոր կառավարության կանխատեսումներով ծրագրվում է մշակելի հողամասերը հասցնել 500 հազար հեկտարի, հետեւաբար կես միլիոն հեկտարի մշակման համար կապահովվի շուրջ 100 միլիոն լիտր դիզելային վառելանյութ (մի հեկտարի հաշվով 20 լիտր), այսինքն՝ 50 թեթրիանոց գեղջի պայմաններում, այդ տարածքի մշակման համար պետությունը հատկացնելու է 5 միլիոն լարի: Գուցե շատերը ասեն, որ 5 միլիոնը երկրի համար այնքան էլ մեծ գումար չէ, սակայն մյուս կողմից, եթե ֆերմերին տրվի շուկայական գնից 500 թեթրի գեղջով դիզելային վառելանյութ գնելու հնարավորություն, ապա դա իրատեսական եւ մշակակալի օգնություն կլինի ֆերմերների համար:

Թեպետ, կրկնում ենք, վերոնշյալ հարցերը քննարկման ոլորտում են եւ մոտ օրերին դրանք տրամաբանական համագուցալուծման կհասցվեն:

Բոլոր դեպքերում ընթացիկ տարվա զարմանալի գյուղատնտեսական աշխատանքների իրականացման համար գյուղացիները կստանան թեպետ ոչ բավարար, սակայն կոնկրետ, իրատեսական օգնություն:

ՅՈՒՐԻ ԽՈՐԵՆՅԱՆ

ԲԱՐԵՐԱՐՈՒԹՅՈՒՆ

ԿՐԹՈՒԹՅԱՆ ԵՎ ԴԱՍՏԻԱՐԱԿՈՒԹՅԱՆ ՎԵՅ ԳՈՐԾԻ ՀՈՎԱՆԱԿՈՐՆԵՐԸ

Վերջին տարիներին մեր իրականության մեջ բարեփոխությունը բարի ավանդույթ է դարձել:

...Նահապետ Ավագյանն իր աշխատանքային գործունեությունն սկսել է հայրենի գյուղում՝ Ախալքալաքի շրջանի Բուռնաշենում: Նա մասնագիտությամբ մանկավարժ էր, բանիմաց ու կիրթ մտավորական, ուսումնադաստիարակչական աշխատանքների երդվյալ զինվոր: Դպրոցում՝ աշխարհագրության ուսուցիչ, կազմակերպիչ, ապա եւ՝ շրջանային ժողկրթբաժնի տեսուչ,- ասի նրա աշխատանքային տարեգրությունը:

Հայրենի գյուղի հետ նա կապված էր հազար ու մի անտեսանելի թվերով: Չնայած կյանքի վերջին տարիներին ապրում էր Մոսկվայում, բայց կապը երբեք չկտրեց Բուռնաշենի հանրային դպրոցից: Նա հովանավորում էր գյուղի դպրոցը, սատարում, օգնում կարիքավոր համագյուղացիներին:

Նահապետի ծննդավայրում բարեգործությունը շարունակվում է: Նրա ընտանիքը՝ կինը՝ Սվետլանա Դարաշչյան-Ավագյանը, որդին՝ Վարդան Ավագյանը, այսօր էլ հովանավորում են գյուղի կրթօջախը: Բուրնաշենի վերջերս, ի պատիվ Նահապետ Ավագյանի, դպրոցն ունեցավ նախկին աշխարհագրության ուսուցչի անունը կրող կաբինետ, որի ձեւավորումը՝ տեխնիկայի վերջին խոսքով, ապահովում է Ավագյանների ընտանիքը:

Կաբինետի բացման օրը մարդաշատ էր Բուռնաշենի հանրային դպրոցը:

Հանդիսավոր արարողությունը սկսված է: Աշխարհագրության կաբինետը պատող ժապավենը կտրելու պատիվը տրվում է այդ մարդասիրական գործը իրականացնող Նահապետ Ավագյանի զարմիկ Ալեքսան Մարյանին:

Ծափողջույնների եւ բարեմաղթանքների ներքո՝ բացվում է կաբինետի դուռը, որի բանալին, ավանդական կարգով, հանձնվում է դպրոցի տնօրեն Արեւիկ Աղաբաբյանին: Նա իր շնորհակալությունն է հղում Ավագյանների ընտանիքին:

- Մոսկվա քաղաքի «Vjc-jnbc» ֆիրմայի տնօրեն Վարդան Ավագյանը, բժշկական գիտությունների թեկնածու, միաժամանակ մեծ մարդ ու իրաշալի բարեգործ, հոր գործի արժանի շարունակողն է: Նրա աջ թեւն է սիրագործում մայրը՝ Սվետլանա Ավագյանը: Նրանք մույնիսկ հեռախոսագազների միջոցով տեղեկանալով մեր հոգսերի մասին, շտապում են օգնել դրանց լուծմանը: Նման արձագանքի հետեւանք էր նաեւ այս կաբինետը: Շնորհակալություն նրանց:

Ներկաներին ողջունում է Ալեքսան Մարյանը:

- Այսօրը ինձ համար երկակի իմաստ ու-

նի, տխուր եմ, որ Նահապետ Ավագյանը չկա ֆիզիկապես, բայց եւ հպարտ եմ, որ նա հավերժորեն կապ հաստատեց գյուղի եւ դպրոցի հետ: Նրա մարդասիրական վեհ գործը ունի իր շարունակողը: Դա կլինեն ես: Այսուհետեւ խնդիրները մենք՝ կլուծենք Ավագյանների ընտանիքի հետ միասին: Եվ դա՝ համուն հասունացող սերնդի արժանի դաստիարակության:

- Կարծում եմ, որ հայ մարդն ու բարեգործությունը լույս աշխարհ են եկել միասին,- այսպես սկսեց իր խոսքը Վազգեն Եսայանը: - Բարեգործությունը մեծ հոգու տեր մարդու գործ է: Այդպիսին էր նաեւ Նահապետ Ավագյանը, այդպիսին են նրա հետնորդները՝ Ավագյանների ընտանիքը:

Ներկաներին ողջունեցին Բուռնաշենի հանրային դպրոցի նախկին տնօրեն Շ.Աղաբաբյանը, Ախալքալաքի ժողկրթբաժնի նախկին վարիչ Կ.Սեփյանը, Ազավրեթի հանրային դպրոցի տնօրեն Ս.Շիրազարյանը, Լոմատուրցի դպրոցի տնօրեն Յ.Շորադյանը, գոր-



ծընկերներ Պ.Հարությունյանը, Ֆ.Խաչատրյանը, մանկության ընկեր Ռ.Սողոմոնյանը: Հանդիսավոր արարողությանը մասնակցում էին Շրջանային վարչության եւ ժողովի ներկայացուցիչներ: Միջոցառումն ամփոփեց Ախալքալաքի շրջանային ժողովի նախագահ Համլետ Մովսիսյանը:

Ավարտին ելույթ ունեցավ Բուռնաշենի հանրային դպրոցի երգի ու պարի համույթը (գեղմասվար՝ Անուշ Ավետյան):

ՎԱԶԳԵՆ ԵՍԱՅԱՆ

Ախալքալաքի շրջանի Բալայի հանրային դպրոցի փոխտնօրեն